

王焱 編

日本漢文學百家集

296



YSP
北京燕山出版社

王焱 主編

日本漢文學百家集
296



北京燕山出版社

第二九六册

亥軒遺稿 詩 一卷 文 二卷 永山政時著 明治三十九年	一
吾愛吾廬詩 六卷 海外緣 一卷 山田梅村著 慶應二年	一九九
耐軒詩草 上下卷 曾我景章著 明治十五年	四五五

亥軒詩稿

亥軒詩稿

加賀 永山平政時 著

松齋岡田君。新購鐵鐔。命平品鑒。其鐵色之奇。
彫鏤之妙。非凡工所能。其爲信家之鍛。無可疑
焉。覽觀之間。食指頻動。因竊襲米氏故態而歸。
退呈小詩。陳情謝罪。

伯樂識驚驥。符朗辨皂白。今日清明世。慧眼豈容錯。
江都四方衝。百貨紛堆積。具眼過其肆。良鐔一朝獲。
君子好事心。公平如衡石。既忘貴與勢。垂示及野客。
惶恐進諦視。光彩煥赫奕。古色兼鏤巧。卓然入高格。

物理有顯晦。世運多變革。苟不經識鑒。名器亦擯斥。
斯鐔幾星霜。沈淪罹劫厄。一旦遇識者。燁燁增光澤。
小夫妄僭越。愛玩手不釋。坐思子公態。忽生元章癖。
達人量如海。容罪勿呵責。割愛與寒士。奉之比趙璧。

奉寄良齋先生

我生賤且貧。自分爲學究。及奉明師誨。乃知立心陋。
策勵雖更加。蹇劣猶仍舊。所恃薰陶恩。扶顛又警仆。
世路多枝梧。人事罕良邁。恨不得執鞭。昕夕稟面授。
遙憶瑤席下。會合一時秀。窓映霞關月。几對房山岫。
研經探妙義。訂史決疑竇。思之神已往。不願衣文繡。

寄菌聖松田氏

山脈多起伏。山徑有紆餘。自非得先導。誰免武陵漁。
君獨具逸技。採菌有夙譽。常涉無人境。冒嶮不趑趄。
鑿空壓張郎。趨健逾山虞。遊山爲性命。此中消居諸。
嗜好入神理。妙思自發舒。不待人指授。又奚據圖書。
君採菌亦然。屬目皆名區。土色認肥瘠。樹容辨有無。
冬初兼夏末。傲裝纔上途。歸來常滿籃。菌聖名不虛。
周公昔定官。菌人蓋闕如。恨君生之晚。不及周室初。
庚戌三月。吾師良齋先生。徵擢昌平叢教職。得
信喜甚。以詩代箋奉賀。

檐前喜鵲噪。不識何祥瑞。忽報致書郵。千里音問至。
盥漱對書床。開拆展錦字。中有軒冕榮。縷述寵光事。
時明殷高宗。恩優朱都尉。對陛論鬼神。上殿動天意。
學正承濂洛。道遠邈洙泗。鶴書下已遲。輿論不須試。
一朝履玉礮。令聞益廣被。遐邇如拱辰。得展育英志。
杏壇嚴教方。湖學多偉器。細大適其用。共輔唐虞治。
思之中心悅。就寢不能寐。出見文昌星。光芒昔日異。

有感二首

良劍埋塵土。紫氣上衝天。路人休怪看。世無張茂先。
騏驎厄鹽車。低耳甘羈絡。數奇洵可憐。何時遇伯樂。

管相公九百五拾年忌辰。恭賦二絕

文章功業兩間存。瓊瓊窮通何足論。天數定時冤亦白。綿綿祭祀日星尊。

神恩覃覆已深密。孚信人心如一日。藩俗猶存羊棗思。忌辰不敢啗梅實。

奉寄成瀨明府

隆德從來民望深。丰神超邁豁胸襟。鄭廷文學推東里。魯國賢才首展禽。詢事芻蕘存大體。受言僚屬只虛心。風流綽綽有餘裕。時對月明彈雅琴。

古風

許由辭天下。去宿小民家。民家警盜竊。相顧匿傲靴。

西施與嫫母。妍媸異天淵。奈何迷罔疾。列子曰。秦人有迷罔之疾。

開白以爲哭。視以爲黑。愛媼不愛妍。

戊午歲元旦試筆

辛盤相對三元日。先酌芳椒酒一卮。父母共筵欣具

慶。弟兄同爨駭多兒。朝輝射處窓明早。殘雪堆時梅

信遲。但喜開春公事緩。漫然舒紙寫新詩。

梅花

雪裏相看未認真。芬芳始識吐英新。瘦容映水更添

趣。踈影橫窓尤有神。賦就廣平名噪世。詩成君復語

驚人。風騷縱使缺稱說。清操永魁千古春。

仲春朔。靜勝樓集。分韻

殘雪融時寒漸消。最欣招訊及吾曹。瓶花影定知樓

靜。隣笛聲清忘市囂。文彩只推三島謂大島豐島岡妙。才

情堪駭二原謂神原豪。陪筵徒羨多名士。識是主人

襟度高。

二月二日。大島助教宅集。限韻

春色促吟吟意濃。辱招今夕又攜筇。門標裊裊長條

柳。園秀蒼蒼勁節松。三世儒風傳偉訓。一藩學派仰

文宗。吾儕久受薰陶益。依舊應須乞冶鎔。

晚春念六。尙賢堂雨集村田義堂宅

好雨朝來足。園林趣自奇。臺紅存故態。稚綠有幽姿。
酌酒盤肴美。會朋襟度披。感君斯厚意。忘拙且題詩。

初秋熱甚。岡島東山宅集。拈韻得蒸

夏時饒雨冷難勝。殘熱入秋如甑蒸。俎上慕羶多赤
蟻。酒邊追臭苦青蠅。唯緣人事失調理。終致天心來
咎徵。偏埃滿城金氣到。梧桐葉下晚風興。

修竹舍集。春初卽事。次主人韻。菅野竹圃宅

蓋世雄心今已灰。且排愁緒對金罍。文思稍似欲枯
木。善忘恰如無當杯。陋屋掃塵迎賀客。小瓶汲水灌

盆梅。春初吟事雖荒廢。因讀佳章入韻來。

五月念日。澹靜軒集。限韻岡島東山宅

梅雨蕭蕭亵遺悶。因陪高宴入吟哦。陰清園竹風姿直。枝竦庭梧意態多。閑裏論文慕繡虎。醉中憂世思銅駝。菲才依舊詩難就。枯坐操毫墨漫磨。

十月念日。大島助教宅集。限韻

賴有佳招又曳筇。小春風暖不知冬。寒林葉落雖無影。香菊花殘猶有容。醉後只論文巧拙。吟中不問歲豐凶。小詩依舊苦難就。空背燈檠數漏鐘。

歲晚書懷。次韻高澤菊澗

寒風透紙窗。瓶水似銀缸。貧屋雖如洗。雄心猶未降。
典衣催債客。分食守門尨。窮達有天命。研經對夜缸。

上巳日偶成。次篠原靖齊君韻

征鴻影盡燕來頻。忽忽又逢脩禊辰。白李紅桃三面
屋。青山綠水十分春。菲才雖可耻文若。晚節猶能擬
買臣。獻策欲陳經世略。片心許國不論身。

庚申王月。廣瀨旭莊。來于吾金澤。稽留累旬。余
欲一觀而未得也。乃欲持刺通謁。則國家有典。
不許士人入逆旅。因賦呈二首

文旆臨敝邑。淹留今幾旬。聞與商賈遊。未聞面士人。

君本九州豪。奎名徧人寰。高眼睨金澤。爲無可與言。
 金澤十萬戶。提封冠列藩。雖乏卓絕才。豈無事斯文。
 探山極其峻。涉水觀其瀾。君務披草棘。必逢隋珠眞。
 予昔爲俗吏。祇役在東都。飽聞君之賢。君未知予愚。
 作文壽令兄。奉簡一堂。羽倉君之命。製淡窓先生。七
 和詩撫瑤圖。與大君。規遊墨堤。詩約。文字通媒介。宿緣否
 可誣君來在咫尺。渴想涸轍魚。幸不見鄙棄。卜日枉
 輶車。予室如懸磬。所談在詩書。雖無梁肉設。自堪供
 菜蔬。家住小立野。攀阪循坦途。行認白堊屋。曰大音
 左折乃吾廬。

忠孝廉節四大字歌

泮林鬱鬱大城下。地占坤位據平岡。峻宇高棟與雲際。正面揭出明倫堂。中掛忠孝廉節字。一望恰似鸞鳳翔。字體偉大如車輪。筆勢遒勁逼二王。維昔宋代林氏子。曾將此技冠墨場。雕鐫上石壓磨崖。揚本一旦歸吾鄉。我

公臨摹示學子。便是教導金丹方。忠孝兮以事君親。廉節兮以持綱常。人人若能服此語。卽今應見邦家光。風俗淳美比鄒魯。闔國永絕殘賊殃。予作此歌喜不寐。中夜庭上空彷徨。此時四鄰群動熄。但見奎宿